



**ОРХОН АЙМГИЙН
ЗАСАГ ДАРГЫН ДЭРГЭДЭХ ЭРҮҮЛ МЭНДИЙН ГАЗРЫН
ДАРГЫН ТУШААЛ**

2023 оны 04 сарын 03 -ны өдөр

Дугаар А/22

Эрдэнэт

Г Дэлхийн эмч нарын өдрийг угтсан эрдэм шинжилгээний хурал зохион байгуулах хөрөнгө гаргах тухай

Монгол улсын нутаг дэвсгэрийн нэгж, түүний удирдлагын тухай хуулийн 67.5 дахь заалт, Төсвийн тухай хуулийн 16 дугаар зүйлийн 16.5.5 дахь заалт, Эрүүл мэндийн тухай хуулийн 8.1.20, 11.1.5 заалт, Аймгийн Засаг даргын 2023 оны 03 дугаар сарын 27-ны өдрийн А/184 тоот захирамжийг тус тус үндэслэн ТУШААХ нь:

1. Эмч нарын дунд зохион байгуулагдах "UpTo Date программын хэрэглээг өргөжүүлэх нь" ажил, мэргэжлийн уралдаан, Эрдэм Шинжилгээний Бага хурлыг зохион байгуулагдах удирдамжийг нэгдүгээр хавсралтаар, шаардагдах төсвийг хоёрдугаар хавсралтаар баталсугай.
2. Шаардагдах 2.500.000 /Хоёр сая таван зуун мянга/-н төгрөгийг нэмэлт санхүүжилтийн дансны нэг удаагийн тэтгэмж, урамшлуулал, шагналын зардлаас гаргахыг салбарын санхүү бүртгэл, нягтлан бодохын ажилтан /Н.Чулуун-Эрдэнэ/-д зөвшөөрсүгэй.
3. Тушаалын хэрэгжилтэд хяналт тавьж ажиллахыг Бодлого төлөвлөлт, хууль эрх зүй, тусгай зөвшөөрөл хариуцсан ахлах мэргэжилтэн /Б.Уртнасан/-д даалгасугай.

ДАРГЫН АЛБАН ҮҮРГИЙГ
ТҮР ОРЛОН ГҮЙЦЭТГЭГЧ



Д.СҮХЭЭ

Эрүүл мэндийн газрын даргын 2023 оны
...04-дүгээр сарын 03-ний өдрийн 112 дугаар
тушаалын нэгдүгээр хавсралт



ДЭЛХИЙН ЭМЧ НАРЫН БАЯРЫГ ТОХИОЛДУУЛАН ЭМЧ НАРЫН ДУНД ЗОХИОН БАЙГУУЛЖ БУЙ МЭРГЭЖИЛ, УР ЧАДВАРЫН УРАЛДААНЫ УДИРДАМЖ

Дэлхийн эмч нарын баярыг тохиолдуулан эмнэлзүйн платформын хэрэглээг нэмэгдүүлэх хөгжөөнт тэмцээн болон эрдэм шинжилгээний хурлыг зохион байгуулж байна.

НЭГ. “UP TO DATE ПРОГРАММЫН ХЭРЭГЛЭЭГ ӨРГӨЖҮҮЛЭХ” ЭМЧ НАРЫН АЖИЛ МЭРГЭЖЛИЙН УРАЛДААНЫ УДИРДАМЖ

Үндэслэл:

Дэлхийн өндөр хөгжилтэй орнууд болон олон улсын мэргэжлийн нийгэмлэг, холбоод, Дэлхийн Эрүүл Мэндийн Байгууллага зэрэг олон улсын байгууллагын боловсруулсан бүхий л эмнэлзүйн удирдамжуудыг нэгтгэсэн “UpToDate” нэртэй цахим платформыг манай улсын бүх шатны эмч, эмнэлгийн мэргэжилтнүүдэд үнэгүй ашиглах боломжийг Эрүүл Мэндийн Яам бүрдүүлсэн.

UpToDate нь олон улсад хамгийн өргөн хэрэглэгддэг цахим платформын нэг бөгөөд 25 төрөлжсөн мэргэшлийн, 12.300 гаруй эмнэлзүйн сэдвийн өгүүллийг багтаасан, дэлхийн 191 орны 2 сая гаруй хэрэглэгчтэй болж өргөжсөн байна.

Зорилго:

Эмч нарын нотолгоонд суурилсан анагаах ухааны ойлголтыг гүнзгийрүүлэх, мэдлэг чадварыг сайжруулах, эмнэлзүйн цахим платформ UpToDate-ийн хэрэглээг нэмэгдүүлэх.

Хамрах хүрээ:

Бүсийн оношилгоо эмчилгээний төв, эрүүл мэндийн анхан шатлалын байгууллагууд болох сум, өрхийн эрүүл мэндийн төв, Эрдэнэт Клиник, сувилал, Баян-Өндөр Мед нэгдсэн эмнэлэг, Эрдэнэт Медикал эмнэлэг, ХХЭМБ-уудын эмч нар.

Үйл ажиллагаа:

1. Нэг баг нь 5 хүний бүрэлдэхүүнтэй байна. Баг нь багийн ахлагчтай байх бөгөөд баг тус бүр өөрийн онцлог, уриаг агуулсан нэр, таних тэмдэгтэй, хувцсаар жигдэрсэн байна.
2. Тэмцээнийг 2023 оны 3-р сарын 24-ний 14:00 цагт Гэр бүл, хүүхэд залуучуудын хөгжлийн газрын зааланд зохион байгуулж, шалгаруулна.

Тэмцээний шалгуур үзүүлэлт, үнэлгээ:

1. *Мэндчилгээ* - Багийн өөрсдийн багийг танилцуулсан 3 минутын танилцуулга хийнэ. Танилцуулгыг сонирхолтой, хөгжөөнтэй байдлаар шийдсэн байна. (1 оноо)
2. *Гэрийн даалгавар* - Багууд гэрийн даалгаварт 5 минутад багтаан эмнэлзүйн орчин үеийн шийдэл арга зүйг орон нутагт нэвтрүүлэх боломж сэдвээр илтгэл тавина. (5 оноо)
3. *Багийн ахлагчийн асуулт* – Багийн ахлагч урьдчилан бэлтгэгдсэн асуултаас сугалж хариулна. Бодох хугацаа – 1 минут. (5 оноо)
4. *Багийн гишүүдийн асуулт, хариулт* – Багийн гишүүд урьдчилан бэлтгэгдсэн асуултуудаас сугалж баг хоорондоо ярилцан нэг гишүүн нь асуултад хариулна. Бодох хугацаа – 8 минут. (5 оноо)

Тэмцээний шалгаруулалт:

1. Тусгайлан томилсон ажлын хэсэг тэмцээнийг дүгнэж шалгаруулна. Шүүгчдийн бүрэлдэхүүн 3 хүнээс бүрдэнэ.
2. Багийн гүйцэтгэх даалгавар, шалгуур үзүүлэлт тус бүрт шүүгчид оноог өгч хамгийн өндөр оноо авсан дарааллаар байр эзлүүлж шалгаруулна.
3. Тэмцээнийг удирдамжийн дагуу зохион байгуулж 1-3 байрыг шалгаруулна.

Шагнал урамшуулал:

Нэгдүгээр байр – 1, өргөмжлөл, мөнгөн шагнал

Хоёрдугаар байр – 1, өргөмжлөл, мөнгөн шагнал

Гуравдугаар байр – 1, өргөмжлөл, мөнгөн шагнал

Хөгжөөн дэмжигчдийн дундах тэмцээний ялагч – Дурсгалын зүйл, тэмдэглэлийн дэвтэр

ХОЁР. ЭМЧ НАРЫН ДУНД ЗОХИОН БАЙГУУЛАХ ЭРДЭМ ШИНЖИЛГЭЭНИЙ ХУРЛЫН УДИРДАМЖ

Зорилго:

Эмч нарын судалгаа шинжилгээний ажлыг нэмэгдүүлж, тэдгээрийн мэдлэг чадварыг хөгжүүлэх, шинэ бүтээл, дэвшилтэт технологийг нэвтрүүлэх, тэдний бүтээлийг олон нийтэд сурталчлан таниулах, нотолгоонд суурилсан эрүүл мэндийн тусламж үйлчилгээг өргөжүүлэх.

Хамрах хүрээ:

Эрүүл мэндийн газар, Бүсийн оношилгоо эмчилгээний төв, эрүүл мэндийн анхан шатлалын байгууллагууд, Эрдэнэт сувилал, клиник, Баян-Өндөр Мед нэгдсэн эмнэлэг, Эрдэнэт Медикал эмнэлэг, ХХЭМБ-уудын эмч нар.

Хугацаа: 3-р сарын 27-ний 14:00 цагт

Хаана: Баян-Өндөр Мед эмнэлгийн хурлын зааланд

Үйл ажиллагаа:

№	Явагдах үйл ажиллагаа	Хугацаа	Хариуцах эзэн
1	Удирдамжийг ЭМБ-уудад хүргүүлэх.	3-р сарын 14	ЭМГ-ын бичиг хэргийн ажилтан Г.Мөнх-Ундраа
2	Илтгэлийг хураангуй болон бүрэн эхээр авах.	3-р сарын 14-23	НЭМХ-ийн мэргэжилтэн Г.Будмаа
3	Нээлтийн арга хэмжээ.	3-р сарын 27-ний 14:00	АЗДТГ-ын эрүүл мэнд хариуцсан мэргэжилтэн О.Батцэнгэл
4	Шалгарсан илтгэлүүдийг хэлэлцүүлэх.	3-р сарын 27	ЭТҮХ-ийн мэргэжилтэн А.Хонгорзул
5	Хаалтын арга хэмжээ.	3-р сарын 27	Шүүгч нар

Илтгэлд тавигдах нийтлэг шаардлага:

- Илтгэлийг А4 хэмжээгээр хуудасны зүүн талаас 3.0 см, баруун талаас 1.5 см, дээр доороосоо 2 см, Arial фонтоор, үсгийн хэмжээ 12, мөр хоорондын зай 1.5, толгойн гарчиг Arial, Bold, үсгийн хэмжээ 14 байх бөгөөд үндэслэл, зорилго, зорилт, аргачлал, хамрах хүрээ, үр дүн, хэлцэмж, дүгнэлт, ашигласан номын жагсаалттай байхаар бэлтгэнэ.
- Илтгэлийг бичихдээ header, footer, footnote командыг ашиглахгүй, хуудсын дугаарыг бичихгүй.
- Илтгэл нь хүснэгт, зураг /график болон фото зургаар/ ном зүйг оролцуулан 3-5 нүүр байна.
- Хүснэгт нь босоо шугамгүй, хуудас дамжаагүй, хүснэгтийн нэр товч, оновчтой байна. Хүснэгтийн гарчгийг хүснэгтийн дээд талд бичсэн байна.
- Илтгэлийг сайтар нягталж шалгасан байх ба үг үсгийн алдаа, найруулга зүйг судлаач хянасан байна.
- Хугацаа хоцроосон судалгааг хүлээж авахгүй.

Эрдэм шинжилгээний хурал зохион байгуулах журам:

1. Судлаач нар эрдэм шинжилгээний хуралд оролцуулах судалгааны хураангуй болон бүтэн судалгааг 3-р сарын 23-ний дотор budmaaganbat@gmail.com хаягаар ирүүлсэн байна.
2. Судалгаагаа ирүүлсэн оролцогчдоос илтгэлд тавигдах шаардлага хангасан бүтээлүүдэд шүүлт хийж эрдэм шинжилгээний бага хуралд хэлэлцүүлэх судалгааны нэрсийг 3-р сарын 24-нд гаргана.
3. Эрдэм шинжилгээний бага хурал 3-р сарын 27-ний 14:00 цагт болж илтгэгчдийн илтгэлээ танилцуулах дараалал гарсан байна.
4. Нийгмийн эрүүл мэнд, Эрүүл мэндийн тусламж үйлчилгээ гэсэн 2 чиглэлээр шалгаруулна.
5. Шүүгчид 3 хүний бүрэлдэхүүнтэй байна.
6. Илтгэлийн PPT файлыг 8 минутад багтаан танилцуулна.

Шалгаруулалт:

1. Илтгэлийн үндэслэл, оновчтой байдал, судалгааны арга зүй, судалгааны ажлын гүйцэтгэл, практик ач холбогдол, илтгэх чадварыг харгалзан 0-5 оноогоор дүгнэнэ.

2. Нийгмийн эрүүл мэндийн чиглэлээр:

- 1 дүгээр байр 1 илтгэл
- 2 дугаар байр 1 илтгэл
- 3 дугаар байр 1 илтгэл

Эрүүл мэндийн тусламж үйлчилгээний чиглэлээр:

- 1 дүгээр байр 1 илтгэл
- 2 дугаар байр 1 илтгэл
- 3 дугаар байр 1 илтгэл

Нийт 6 илтгэл шалгаруулж өргөмжлөл, мөнгөн шагналаар шагнана.

Эрүүл мэндийн газрын даргын 2023 оны
08 дүгээр сарын 03-ний өдрийн 4/2 дугаар
тушаалын хоёрдугаар хавсралт



**ДЭЛХИЙН ЭМЧ НАРЫН БАЯРЫГ ТОХИОЛДУУЛАН ЭМЧ НАРЫН ДУНД
ЗОХИОН БАЙГУУЛЖ БУЙ МЭРГЭЖИЛ, УР ЧАДВАРЫН УРАЛДААНЫ ҮЙЛ
АЖИЛЛАГААНЫ ЗАРДАЛ**

№	Чиглэл	Үйл ажиллагаа	Нэр, төрөл	Тоо ширхэг	Нэг бүрийн үнэ	Нийт үнэ	Хариуцах байгууллага
НЭГ. ШАГНАЛ УРАМШУУЛАЛ							
1	"UpToDate" программын хэрэглээг өргөжүүлэх нь ажил мэргэжлийн уралдааны удирдамж		Тэргүүн байр	1	300,0	300,0	Аймгийн ЗДТГ
			Дэд байр	1	250,0	250,0	
			Гутгаар байр	1	200,0	200,0	
2	Эрдэм шинжилгээний бага хурал	Эмнэлзүйн тусламж үйлчилгээ	Тэргүүн байр	1	250,0	250,0	
			Дэд байр	1	200,0	200,0	
			Гутгаар байр	1	150,0	150,0	
		Нийгмийн эрүүл мэндийн тусламж үйлчилгээ	Тэргүүн байр	1	250,0	250,0	
			Дэд байр	1	200,0	200,0	
			Гутгаар байр	1	150,0	150,0	
		Шүүгчийн урамшуулал			3	50,0	
Нийт						2.100.0	
ХОЁР. ҮЙЛ АЖИЛЛАГААНЫ БУСАД ЗАРДАЛ							
3	Бичиг хэргийн зардал					204,6	Аймгийн ЗДТГ
4	Ус, цай, ундаа					75,4	
5	Үйл ажиллагааны бусад зардал					120,0	
Нийт						400.0	
НИЙТ						2.500.0	